





草堂詩餘卷四目錄

張調

東風齊着力

除夕

法曲獻仙音

初夏

意難忘

佳人

胡浩然

周美成

周美成



塞翁吟

夏景

滿江紅

春暮

春暮

春閨

秋望

詠雨

周美成

張仲宗

晁無咎

周美成

趙元稹

張安國

幽居

杜鵑

尾犯

秋怨

玉漏遲

春景

六么令

重陽

呂居仁

康伯可

柳耆卿

宋子京

周美成



掃地花

春恨

天香

冬景

對梅花懷王侍御

燕春臺

春景

滿庭芳

周美成

王充

劉方叔

張子野

春景

秦少游

夏景

周美成

秋思

秦少游

冬景

康伯可

晚景

秦少游

佳人

蘇東坡

警世

蘇東坡

古席

胡浩然



漁舟

張子野

鳳凰臺上憶吹簫

離別

李易安

水調歌頭

春半

劉改之

春行

黃山谷

中秋

蘇東坡

重陽

韓無咎

詠月

韓子蒼

快哉亭

蘇子瞻

燭影搖紅

上元

張材甫

上元

吳大年

春恨

王晉卿

閨情

孫夫人

塞垣春



秋怨

周美成

倦尋芳

春景

王元澤

春閨

蘇養直

黃鶯兒

咏鶯

柳耆卿

漢宮春

元宵

康伯可

上元前一日立春

詠梅

京仲遠

聲聲慢

夏景

晁叔用

醉蓬萊

上巳

劉巨濟

中秋

葉少蘊

帝臺春

謝幼槃



春恨

李景元

八聲甘州

送參寥子

蘇東坡

追和東坡韻

晁無咎

夏初臨

夏景

劉巨濟

慶清朝慢

春遊

王通叟

瓊瓏四犯

春思

周美成

雙雙燕

詠燕

史邦卿

孤鸞

早梅

李希真

鎖廳寒

寒食

周美成



重陽

辛幼安

桂花

僧仲殊

玉蝴蝶

春思

鼂叔用

春遊

柳耆卿

秋思

柳耆卿

秋思

高賓王

渡江雲

春景

周美成

絳都春

上元

丁仙現

清明

劉叔安

梅花

朱希真

念奴嬌

春情

李易安

春怨

沈公述



春恨

辛幼安

夏日避暑

僧仲殊

中秋

蘇東坡

中秋

葉少蘊

詠月

黃山谷

詠月

范元卿

詠月

朱希真

詠月

范元卿

詠月

李漢老

詠月

姚孝寧

詠月

韓子蒼

詠雪

張安國

赤壁懷古

蘇子瞻

洞庭

張于湖

西湖

辛幼安

風情

朱希真



贈送

趙承之

自壽

鄭中卿

梅花

朱希真

荷花

僧仲殊

遶佛閣

周美成

旅况

解語花

周美成

元宵

慶春澤

劉叔安

上元

萬年歡

胡浩然

元宵

玉燭新

周美成

梅花

木蘭花慢

京仲遠

重陽



桂枝香

秋旅

金陵懷古

憶舊遊

春恨

水龍吟

春遊

春恨

張宗瑞

王介甫

周美成

陸務觀

陳同甫

清明

贈妓

慶壽

詠笛

梨花

楊花

又

劉叔安

秦少游

辛幼安

蘇東坡

周美成

章質夫

蘇東坡



草堂詩餘卷四

西蜀升菴楊 慎批點

吳興文仲閔膜壁校訂

長調

東風齊着力

除夕

胡浩然

殘臘收寒，三陽初轉，已換年華。東君律管，迤邐  
到山家。處處笙簧鼎沸，會嘉宴、坐列仙娃。花叢



裏金爐滿爇、龍麝煙斜。此景轉堪誇、深意祝  
壽山福海增加、玉觥滿泛、且莫厭流霞、幸有迎  
春壽酒、銀瓶浸幾朵梅花、休辭醉、園林秀色、百  
艸萌芽。

法曲獻仙音

即望江南白樂天改法曲爲法江南  
也法曲比三疊望江南心兩疊耳

初夏

周美成

蟬咽涼柯、燕飛塵幕、漏閣籤聲時度、倦脫綸巾  
困便湘竹、桐陰半侵朱戶、向抱影凝情處、時聞  
打牕雨、耿無語、歎文園近來多病、情緒嬾尊  
酒、易成間阻、縹緲玉京人、想依然、京兆眉、嫵翠  
幕深中、對微容空在、紈素待花前、月下、見了不  
教歸去。

意難忘

佳人

周美成

衣染鶯簧、愛停歌駐、拍勸酒持觴、低鬟蟬影動  
私語、口脂香、簷露滴竹松涼、拚劇飲淋浪、夜漸

猶



孫夫人詞別  
離情緒待歸  
未都告怕傷  
郎又還休道  
即用此意何  
茅爰惜何等  
深婉休貼

深籠燈就月。仔細端相。知音見說無雙。解移  
宮換羽。未怕周郎。長顰知有恨。貪耍不成粧些。  
箇事惱人腸。試說與何妨。又恐尋消問息。瘦減  
容光。

塞翁吟

夏景

周美成

暗葉啼風雨。牕外曉色。瓏璵散水。麝小池東。亂  
一岸芙蓉。蘄州簾展。雙紋浪。輕帳翠縷。如空夢。

遠別。淚痕重。淡鉛臉斜紅。忡忡。嗟憔悴。新寬  
帶結。羞艷冶。都銷鏡中。有蜀紙堪憑。寄恨。等今  
夜。灑血書詞。剪燭親封。菖蒲漸老。早晚成花。教  
見薰風。

滿江紅

唐人小說實著錄載曲名  
者上江和耶臨江紅也

春暮

張仲宗

春水連天。桃花浪。幾番風惡。雲乍起。遠山遮盡。  
晚風還作。綠遍芳洲。生杜若。楚帆帶雨。煙中落。

極婉轉蕩  
膾炙人口



認向來沙觜。共停橈。傷飄泊。寒猶在。衾偏薄。  
腸欲斷。愁難着。倚蓬牕。無寐引杯孤酌。寒食清明都過了。可憐辜負年時約。想小樓日日望歸舟。人如削。

春暮

晁無咎

東武南城新堤固。漣漪初溢。隱隱遍長林。高阜臥紅堆碧。枝上殘花吹盡也。與君試向江邊覓。問向前猶有幾多春。三之一。官裏事何時畢。

感概

風雨外無多日。相將泛曲水。滿城爭出君不見。蘭亭脩禊事。當時座上皆豪逸。到如今修竹滿山陰。空陳迹。

春閨

周美成

晝日移陰攬衣起。春幃睡足。臨寶鑑綠雲繚亂。未斂粧束。蝶粉蜂黃都過了。枕痕一線紅生玉。背畫欄脉脉悄悄。無言尋棋局。重會面何時卜。

悄無言尋棋局。局上秦少游。詞整頓看殘。棋沈吟。應切。

無限事縈心曲。想秦箏依舊尚鳴金屋。芳艸連



遲回素雨用  
法多妙

一幅中堂立  
秋畫

天迷遠望。寶香薰被成孤宿。最苦是蝴蝶滿園  
飛無心撲。魚心撲物性似意尋  
似局此何苦情味

秋望

趙元稹

慘結秋陰。西風送絲絲雨濕。凝望眼。征鴻幾字。  
暮投沙磧。欲往鄉關何處是。水雲浩蕩連南北。  
但修眉一抹有無中。遙山色。天涯路。江上客。  
腸已斷頭應白。空搔首興歎暮年離隔。欲待忘  
憂除是酒。奈酒行欲盡愁無極。便挽將江水入

樽壘澆胸臆

詠雨

張安國

斗帳高眠。寒牕靜。瀟瀟雨意。南樓近。更移三鼓。  
漏傳一水。點點不離楊柳外。聲聲只在芭蕉裏。  
也不管。滴破故鄉心。愁人耳。無似有游絲細。  
聚復散。真珠碎。天應分付與。別離滋味。破我一  
床蝴蝶夢。輸他雙枕鴛鴦睡。向此際。別有好思  
量。人千里。

阮籍詩胸中  
磊塊須以酒  
洗之



幽居

呂居仁

東里先生家何在、山陰溪曲、對一川平野、數椽  
茆屋、昨夜岡頭新雨過、門前流水清如玉、抱小  
橋回合柳參天、搖新綠、疎籬下叢叢菊、虛簷  
外蕭蕭竹、歎古今得失是非榮辱、須信人生歸  
去、好世間萬事、何時足、問此青春醞酒、何如今  
朝、

杜鵑

康伯可

惱殺行人東風裏、爲誰啼血、正青春未老、流鶯  
方歇、蝴蝶枕前顛倒、夢杏花枝上、朦朧月、問天  
涯何事、苦關情、思離別、聲一喚、腸千結、閩嶺  
外江南陌、正長堤楊柳翠條、堪折、鎮日叮嚀、千  
百遍、只將一句頻頻說、道不如歸去、不如歸、傷  
情切。

尾犯

秋怨

柳耆卿



夜雨滴空堦。孤館夢回情緒蕭索。一片閒愁丹  
青難邈。秋漸老。蛩聲正苦。夜將闌。燈花旋落。最  
無端處。總把良宵。祇恁孤眠却。佳人應怪我。  
別後寡信輕諾。記得當初剪香雲為約。甚時向  
深閨幽處。按新詞流霞共酌。再同歡笑。肯把金  
玉珠珍博。

玉漏遲

春景

宋子京

亂峯頓一竿  
斜照景語也  
東風淚零多  
少情景也

杏香飄禁苑。須知自古皇都春早。燕子來時繡  
陌漸薰芳草。蕙圃夭桃過雨。弄碎影紅篩清沼。  
深院悄。綠楊影裏鶯聲低巧。早是賦得多情。  
更對景臨風。鎮辜歡笑。數曲欄干。故人謾勞登  
眺。天際微雲過盡。亂峰鎖一竿斜照。歸路杳。東  
風淚零多少。

六么令

重陽

周美成



杜老重陽詩  
後未作者俱  
用其語總不  
如東坡詞徑  
爾不必看某  
更俯仰入詞  
今古二語佳  
例

快風收雨、亭館清殘燠、池光靜橫、秋影、  
新沐、聞道宜城酒美、昨日新醅熟、輕鑣相逐、衝  
泥策馬、來折東籬半開菊、華堂花艷對、列一  
一驚郎目、歌韻巧、共泉聲、間雜琮瑤玉、惆悵周  
郎已老、莫唱當時曲、幽歡難卜、明年誰健、更把  
茱萸再三囑

掃地花

春恨

周美成

曉陰翳日、正霧靄、煙橫、遠迷平楚、暗黃萬縷、聽  
鳴禽、按曲小腰欲舞、細遶回堤、駐馬河橋避雨、  
信流去、一葉怨題、今在何處、春事能幾許、任  
占地持盃、掃花尋路、淚珠濺俎、歎將愁度日、病  
傷幽素、恨入金徽、見說文君更苦、黯凝竚、掩重  
關、遍城鐘鼓、

天香

冬景

王充



一派佳趣之  
淡全不成地

霜瓦鴛鴦、風簾翡翠、今年早是寒少、矮釘明牕、  
側開朱戶、斷莫亂教人到、重冷未解、雲共雪商  
量不少、青帳垂氈、要密紅放圍宜小、呵梅弄  
粧、試巧繡羅衣、瑞雲芝艸、伴我語同語、笑時同  
笑、已被金樽勸酒、又唱箇新詞、故相惱、盡道窮  
冬、元來恁好

對梅花懷王侍御

劉方叔

漠漠江臯、迢迢驛路、天教爲春傳信、萬木叢邊

百花頭上、不管雪飛風緊、尋交訪舊、惟翠竹寒  
松相認、不意牽詩動興、何心襯粧添暈、孤標  
最甘冷落、不許蝶親蜂近、直自從來、潔白箇中  
清韻、儘做重聞塞管也、何害香銷粉痕、盡待到  
和羹纔明底蘊

燕春臺

春景

張子野

麗日千門、紫煙雙闕、瓊林又報春回、殿閣風微



當時去燕還來、五侯池館屏開、探芳菲走馬重  
簾人語、麟麟車憶、遠近輕雷、雕觴霞灑、醉慕  
雲飛、楚腰舞柳、宮面粧梅、金猊夜煖、羅衣暗裏  
香煤、洞府人歸、笙歌燈火樓臺、下蓬萊、猶有花  
上月清影徘徊。

滿庭芳

美艸清滿苑步外為甚尋雅本以

春景

秦少游

晚兔雲開春隨人意驟雨纔過還晴古臺芳榭

吳稼松帽

飛燕蹴紅英、舞困榆錢自落、鞦韆外、綠水橋平、  
東風裏、朱門映柳、低按小秦箏、多情行樂處、  
珠鈿翠蓋、金轡紅纓、漸酒空醺醪、花困蓬瀛、豆  
蔻稍頭舊恨、千年夢、屈指堪驚、凭欄久、疎煙淡  
日、微映百層城。

夏景

周美成

風老鶯雛、雨肥梅子、午陰嘉樹、清圓地、卑山近  
衣潤、費爐煙、人靜烏鳶自樂、小橋外、新綠濺濺、



凭欄久、黃蘆苦竹、擬泛九江船。年年如社燕、  
飄流瀚海、來寄修椽。且莫思身外、長近樽前。憔悴江南倦客、不堪聽急管繁絃。歌筵畔、先安枕、  
簾容我醉時眠。

秋思

秦少游

碧水澄秋、黃雲凝暮、敗葉零亂空堦。洞房人靜、  
斜月照徘徊。又是重陽近也。幾處處、砧杵聲催。  
重門外、風搖翠竹、疑是故人來。情懷增悵望。

新歡易失、往事難猜。問籬邊黃菊、知爲誰開。謾  
道愁須殢酒、酒未醒、愁已先回。憑欄久、金波漸  
轉、白露點蒼苔。

冬景

康伯可

霜幕風簾、閒齋小戶、素蟾初上雕籠。玉杯醺醖、  
還與可人同。古鼎沉煙篆、細玉笋、破橙橘香濃。  
梳粧懶、脂輕粉薄、約畧淡眉峰。清新歌幾許、  
低隨慢唱、語笑相供。道文書針線、今夜休攻。莫



厭蘭膏更繼明朝又紛冗匆匆醅酌也冠兒未  
卸先把被兒烘

晚景

秦少游

山抹微雲天連衰艸。画角聲斷譙門暫停征棹。  
聊共飲離樽。多少蓬萊舊事。空回首。煙靄紛紛。  
斜陽外寒鴉數點流水遶孤村。銷魂當此際。  
香囊暗解羅帶輕分。謾贏得秦樓薄倖。名存此  
去何時見也。襟袖上空染啼痕。傷情處高城望

宜怀天始衰  
艸即暮煙細  
天連衰艸連  
且有出處今  
天連衰艸連  
字誤甚

斷燈火已黃昏

佳人

蘇東坡

香鬢雕盤寒生冰筋。畫堂別是風光。主人情重  
開宴出紅粧。膩玉圓榘素頸藕絲嫩新織仙裳。  
雙歌罷虛欄轉月餘韻尚悠颺。人間何處有  
司空見慣。應謂尋常。坐中有狂客惱亂愁腸。報  
道金釵墜也。十指露春筍。纖長親曾見全勝宋  
玉想像賦高唐。



警世

蘇東坡

蝸角虛名蠅頭微利算來着甚干忙事皆前定  
誰弱又誰強且趁閑身未老儘教我些子疎狂  
百年裏渾教是醉三萬六千場思量能幾許  
憂愁風雨一半相妨又何須抵死說短論長幸  
對清風皓月苔茵展雲幙高張江南好千鍾美  
酒一曲滿庭芳

吉席

胡浩然

瀟灑佳人風流才子天然分付成雙蘭堂綺席  
燭影耀熒煌數幅紅羅繡帳寶粧篆金鴨焚香  
分明是芙蓉浪裏一對浴鴛鴦歡娛當此際  
山盟海誓地久天長願五男二女七子成行男  
作公卿將相女須嫁君宰侯王從茲去榮華富  
貴福祿壽無疆

漁舟

張子野

紅蓼花繁黃蘆葉亂夜深玉露初零霽天空濶

以而臨

先生此詞專  
再喚理世上  
美人故不伴  
一派沙



雲淡楚江清、獨棹孤蓬、小艇悠悠過、煙渚沙汀、  
金鈎細、絲綸慢捲、牽動一潭星、時時橫短笛、  
清風皓月、相與忘形、任人笑、生涯泛梗、風萍飲、  
罷不妨醉臥、塵勞事有耳誰聽、江風靜、日高未  
起、枕上酒微醒、

鳳凰臺上憶吹簫

離別

李易安

香冷金猊、被翻紅浪、起來慵自梳頭、任寶奩塵

欲說還休、  
怕傷郎又還  
休道同嘉

滿日上簾鈎、生怕離別苦、多少事、欲說還休、新  
來瘦、非干病酒、不是悲秋、休休、這回去也、千  
萬遍、陽關也、則難留、念武陵人遠、煙鎖秦樓、惟  
有樓前流水、應念我、終日凝眸、凝眸處、從今又  
添一段新愁、

水調歌頭

春半

劉改之

春事能幾許、密葉着青梅、日高花困、海棠風煖、

唐



想都開、不惜春衣典盡、只怕春光歸去、片片點  
蒼苔、能得幾時好、追賞莫徘徊、雨飄紅、風摸  
翠、苦相催、人生行樂、且須痛飲、莫辭杯、坐則高  
談風月、醉則恣眠芳艸、醒後亦佳哉、湖上新亭  
好、何事不曾來、

春行

黃山谷

瑤艸一何碧、春入武陵溪、溪上桃花無數、花上  
有黃鸝、我欲穿花尋路、直入白雲深處、浩氣展

首二句直是  
古詩

紅露濕人衣  
情語也明月  
逐人歸初也

虹霓祗恐花深裏、紅露濕人衣、坐白石、歌玉  
枕、拂金徽、謫仙何處、無人伴我、白螺盃、我為靈  
芝仙、草不為朱唇丹臉、長嘯亦何為、醉舞下山  
去、明月逐人歸、

中秋

蘇東坡

明月幾時有、把酒問青天、不知天上宮闕、今夕  
是何年、我欲乘風歸去、唯恐瓊樓玉宇、高處不  
勝寒、起舞弄清影、何似在人間、轉朱閣、低綺

此等詞、  
羽化而仙、  
是煙火人、  
道得幾字、  
中秋詞、  
古今  
絕唱



戶照無眠。不應有恨。何事長向別時圓。人有悲歡離合。月有陰晴圓缺。此事古難全。但願人長久。千里共嬋娟。

重陽

韓無咎

今日我重九。莫負菊花開。試尋高處攜手躡屐。上崔嵬。放目蒼崖萬仞。雲護曉霜成陣。我與君來古寺倚修竹。飛檻絕纖埃。笑談間風滿座。酒盈杯。仙人跨海。休問何處是蓬萊。落日平原

西望鼓角秋深。戲馬但荒臺。細把茱萸看。一醉且徘徊。

詠月

韓子蒼

江山自雄麗。風露與高寒。寄聲月姊。借我玉鑑此中看。幽壑魚龍悲嘯。倒影星辰搖動。海氣夜漫漫。擁起白銀闕。危駐紫金山。表獨立飛玉珮。整雲冠。漱水濯雪。眇視萬里一毫端。回首三山何處聞道羣仙笑。我邀我欲俱還。揮手從此



去翳鳳更驟鸞

快哉亭

蘇子瞻

落日繡簾捲、亭下水連空。知君爲我新作牕戶、  
濕青紅。長記平山堂上、歎枕江南、煙雨杳杳沒、  
孤鴻。認得醉翁語、山色有無中。一千頃、都鏡  
淨。倒碧峰。忽然浪起、掀舞一葉白頭翁。堪笑蘭  
臺公子、未解莊生天籟、剛道有雌雄。一點浩然  
氣、千里快哉風。

佳句雄奇無  
人敢道

燭影搖紅

上元

張材甫

雙闕中天鳳樓十二、春寒淺、去年元夜奉宸遊、  
曾侍瑤池宴。玉殿珠簾盡捲、擁羣仙、蓬壺闈苑、  
五雲深處、萬燭光中、揭天絳管。馳隙流年恍  
如一瞬、星霜換、今宵誰念泣孤臣、回首長安遠。  
可是塵緣未斷、謾惆悵、華胥夢短、滿懷幽恨、數  
點寒燈、幾聲歸雁。

佳句甚有感  
概



此詞感舊吳  
詞致妙亦有  
所出

上元

吳大年

梅雪初消、麗譙吹罷單于晚、使君千炬起班春、  
歌吹香風煖、十里珠簾盡捲、人正在蓬壺閬苑、  
賣薪買酒、立馬傳觴、昇平重見、誰識鼇頭去、  
年曾侍傳柑宴、至今衣袖帶天香、行處氤氳滿、  
已是春宵苦短、更莫遣歡遊意懶、細聽歸路壁、  
月光中玉簫聲遠

春恨

王晉卿

相見不相親  
何如不相見

正是不淡情  
時候

香臉輕勻黛眉巧、画宮粧淺、風流天付與精神、  
全在嬌波轉、早是縈心可慣、更那堪頻頻顧盼、  
幾回得見、見了還休、爭如不見、燭影搖紅、夜  
闌飲散、春宵短、當時誰解唱陽關、離恨天涯遠、  
無奈雲收雨散、凭闌干、東風淚眼、海棠開後、燕  
子來時、黃昏庭院

閨情

孫夫人

乳燕穿簾亂鶯啼、樹清明近、隔簾時度柳花飛



謝道漢宮人  
未老

猶覺寒成陣，長記眉峰偷隱。臉桃紅，難藏酒暈，背人微笑半。彈鸞釵輕籠蟬鬢。別久啼多眼。應不似當時，俊滿園珠翠，逞春嬌。沒箇他風韻。若見賓鴻，試問待相將，絲牋寄恨。幾時得見，關艸歸來，雙鴛微潤。

塞垣春

秋怨

周美成

暮色分平野，傷葦听征帆，卸煙村極。浦樹藏孤

結句不成語

館秋景如画，漸別離氣味，難禁也。更物象供瀟灑，念多才渾，衰減一懷幽恨，難寫。追念綺牕人天然自風韻，嫺雅竟夕起相思，謾嗟怨，遙夜又還將兩袖珠淚，沉吟向寂寥。寒燈下玉骨為多，感瘦來無一把。

倦尋芳

春景

王元澤

露晞向曉，簾幕風輕，小院閑晝。翠逕鶯來，驚下



亂紅鋪繡倚危樓。登高榭。海棠着雨。臙脂透。算韶華又因循過了。清明時候。倦遊燕。風光滿目。好景良辰。誰共携手。恨被榆錢買斷。兩眉長鬪。憶得高陽人散後。落花流水。仍依舊。這情懷對東風。盡成消瘦。

春閨

蘇養直

獸環半掩。鴛鴦無塵。庭院瀟灑。樹色沉沉。春盡燕嬌。鶯姁。夢草池塘。青漸滿。海棠軒檻。紅相亞。

景

情

聽簫聲記秦樓夜約。彩鸞齊跨。漸迤邐更催銀箭。何處貪歡。猶繫嬌馬。旋剪燈花。雨點翠眉。誰畫香滅。羞回空帳。裏月高猶在。重簾下恨疎。狂待歸來。碎揉花打。

黃鶯兒

咏鶯

柳耆卿

園林晴晝春誰主。煖律潛催。幽谷暄和。黃鸝翩翻乍遷。芳樹觀露濕。縷金衣葉。映如簧語。曉來



枝上綿蠻似把芳心深意低訴、無據乍出煖  
煙來、又趁遊蜂去、恣狂踪跡兩兩相呼、黃昏霧  
吟風舞、當上苑柳濃時、別館花深處、此際海燕  
偏饒、都把韶光與、

漢宮春

元宵

康伯可

雲海沉沉、峭寒收、建章雪殘、鷓鴣華燈照夜、萬  
井禁城行樂、春隨鬢影、映參差、柳絲梅萼、丹禁  
杳、鼇峰對聳三山、上通寥廓、春衫繡羅、香薄  
步金蓮、影下三千、綽約冰輪桂滿、皓色冷浸樓  
閣、霓裳帝樂奏昇平、天風吹落、畱鳳輦、通宵宴  
賞、莫放漏聲閒却、

上元前一日立春

京仲遠

煖律初回、又燒燈市井、賣酒樓臺、誰將星移萬  
點、月滿千街、輕車細馬、隘通衢、蹴起香埃、今歲  
好土牛作伴、挽畱春色同來、不是天公省事

霓裳羽衣中  
秋曲也、用之  
上元似未妥

上元前一日  
立春景象以  
不係



一時壯觀特地安排何妨綵樓鼓吹綺席樽罍  
良宵勝景語邦人莫惜徘徊休笑我癡頑不去  
年年爛醉金釵

詠梅

鼂叔用

瀟灑江梅向竹梢深處橫兩三枝東君也不愛  
惜雪壓風欺無情燕子怕春寒輕失佳期惟是  
有南來歸雁年年長見開時清淺小溪如練  
問玉堂何似茆舍疎籬傷心人去後冷落新

詩○微○雲○淡○月○對○孤○芳○分○付○他○誰○空○自○倚○清○香○未  
減○風○流○不○在○人○知○

聲聲慢

夏景

劉巨濟

梅黃金重雨細絲輕園林霧煙如織殿閣風微  
簾外燕喧鶯寂池塘彩鴛戲水露荷翻千點珠  
滴閒晝永稱瀟湘竿叟爛柯仙客日午槐陰  
低轉茶甌罷清風頓生雙腋碾玉盤深朱李靜



沉寒碧朋儕閒歌白雪、卸巾紗樽俎狼籍、有皓  
月照黃昏、眠又未得、

醉蓬萊

上巳

葉少蘊

問春風何事、斷送繁紅、便拚歸去、牢落征途、笑  
行人羈旅、一曲陽關、斷雲殘靄、做渭城朝雨、欲  
寄離愁、綠陰千轉、黃鸝空語、  
遙想湖邊浪搖  
空翠、絃管風高、亂花飛絮、曲水流觴、有山翁行

處翠袖朱欄、故人應也、弄画船、煙浦會寫相思  
尊前爲我重翻新句、

中秋

謝幼槃

望晴峰染黛、暮靄澄空、碧天無漢、圓鏡高飛、又  
一年秋半、皓色誰同、歸心暗折、聽唳雲孤雁、問  
月停杯、錦袍何處、一尊無伴、好在南隣、詩盟  
酒社、刻燭爭成、引觴愁緩、今夕樓中、繼阿連清  
玩、飲劇狂歌、歌終起舞、醉冷光零亂、樂事難窮



疎星易曉，又成浩歎。

帝臺春

春恨

李景元

芳艸碧色萋萋，遍南陌。飛絮亂紅也似知人春  
愁無力，憶得盈盈拾翠侶，共攜賞鳳城寒食。到  
今來海角逢春天，天涯行客，一愁旋釋，還似織淚  
暗拭。又偷滴，謾遍倚危欄，儘黃昏也。只是暮雲  
凝碧，拚則而今已拚了。忘則怎生，便忘得，又還

問鱗鴻，試重尋消息。

八聲甘州

此六州歌頭之一，本故吹曲也。考德詳使人據  
唐八州並六州，如名宋人，大祀大帥皆用此。

送參寥子

蘇東坡

有情風，萬里捲潮來。無情送潮歸。問錢塘江上  
西河浦口，幾度斜暉。不用思量，今古俯仰昔人  
非。誰似東坡老，白首忘機。記取西湖西畔，正  
暮山好處，空翠煙霏。算詩人相得如我，與君稀。  
約他年更還海道，願謝公雅志莫相違。西州路



不應回首爲我沾衣

追和東坡韻

晁無咎

謂東坡未老賦歸來、天未遣公歸、向西湖兩處、  
秋波一種飛靄澄暉、又擁竹西歌吹、僧老木蘭、  
非一笑千秋事、浮世危機、莫倚平山欄檻、是  
醉翁飲處、江雨霏霏、送孤鴻揮手相接、眼中稀、  
念平生相從江海任飄蓬、不遣此心違、登臨事、  
更何須惜吹帽淋衣

夏初臨

夏景

劉巨濟

泛水新荷、舞風輕燕、園林夏日初長、庭樹陰濃、  
雛鶯學弄新篁、小橋飛入橫塘、跨青蘋綠藻、幽  
香朱欄斜倚、霜紈未搖、衣袂先涼、歌歡稀遇、  
怨別多同、路遙水遠、煙淡梅黃、輕衫短帽、相攜  
洞府流觴、况有紅粧、醉歸來、寶蠟成行、拂牙床、  
紗廚半開、月在回廊



慶清朝慢

春遊

王通叟

調雨為酥、催冰做水、東風分付春還。何人便將  
 輕煖、點破殘寒。結伴踏青去好，平頭鞋子小雙  
 鸞。煙柳外、望中秀色，如有無間。晴則、陰則  
 个、餽釘得天氣，有許多般。須教撩花撥柳，爭要  
 先看。不道吳綾繡襪，香泥斜沁，幾行斑。東風巧  
 盡收翠綠，吹在眉山。

瓊壠四犯

春思

周美成

穠李夭桃，是舊日潘郎親試。春艷自別河陽長  
 負露房，煙臉憔悴，鬢點吳霜。念想夢魂飛亂，歎  
 畫闌玉砌都換。纔始有緣重見。夜深偷展香  
 羅薦。暗牕前醉眠，葱蒨浮花浪蘂，都相識。誰更  
 曾擡眼，休問舊色舊香，但認取芳心一點。又片  
 時一陣風雨，惡吹分散。



雙雙燕

詠燕

史邦卿

過春社了、度簾幙中間、去年塵冷。差池欲住。試  
 入舊巢相竝。還相雕梁藻井。又軟語商量不定。  
 飄然快拂花梢。翠尾分開紅影。芳徑芹泥雨  
 潤。愛貼地、爭飛競。誇輕俊。紅樓歸晚。看足柳昏  
 花暝。應是棲香正穩。便忘了、天涯芳信。愁損翠  
 黛雙蛾。日日畫欄獨凭。

史邦卿詞奇  
 秀清逸有骨  
 長吉之約蓋  
 能融情景于  
 一家全句素  
 于兩得者

形容想像極  
 是輕婉纖軟

孤鸞

早梅

李希真

天然標格、是小萼堆紅、芳姿凝白。淡竚新粧淺  
 點壽陽宮額。東君想畱厚意。倩年年與傳消息。  
 昨夜前村雪裏、有一枝先折。念故人何處、水  
 雲隔、縱驛使相逢、難寄春色。試問丹青手、是怎  
 生描得。曉來一番雨過、更那堪、數聲羌笛。歸去  
 和羹未晚、勸行人休摘。

未見與人感



鎖牕寒

寒食

周美成

暗柳啼鴉、單衣竚立、小簾朱戶、桐花半畝、靜鎖  
一庭愁雨。灑空堦、更闌未休、故人剪燭西牕語。  
似楚江暝宿、風燈零亂、少年羈旅。遲暮嬉遊  
處、正店舍無煙、禁城百五。旗亭喚酒、付與高陽  
儔侶。想東園桃李自春、小唇秀靨、今在否。到歸  
時、定有殘英、待客携樽俎。

高陽臺

春思

僧皎如晦

紅入桃腮、青回柳眼、韶華已破三分。人不歸來、  
空教艸怨王孫。平明幾點催花雨、夢半闌、歌枕  
初聞。問東君、因甚將春老却閒人、東郊十里  
香塵。旋安排、玉勒整頓、雕輪趁取芳時、共尋島  
上紅雲。朱衣引馬、黃金帶、算到頭、總是虛名。莫  
閒愁、一半悲秋、一半傷春。



金菊對芙蓉

秋怨

康伯可

梧葉飄黃、萬山空翠、斷霞流水爭輝。正金風西  
起、海燕東歸、凭欄不見南來雁。望故人消息遲  
遲、木樨開後、不應悞我好景良時。只念獨守  
孤幃、把枕前祝付、一旦分飛。上秦樓遊賞、酒殢  
花迷、誰知別後相思苦。悄為伊瘦損香肌。花前  
月下、黃昏院落、珠淚偷垂。

重陽

辛幼安

遠水生光、遙山聳翠、霽煙深鎖梧桐。正零瀼玉  
露、淡蕩金風。東籬菊有黃花吐、對映水幾簇芙  
蓉。重陽佳致、可堪此景、酒釀花濃。追念景物  
無窮、歎少年胸襟、忒煞英雄。把黃英紅萼、甚物  
堪同、除非腰佩黃金印、座中擁紅粉、嬌容此時  
方稱情懷、盡拚一飲千鍾。

桂花

僧仲殊

與其有身後  
名不以此生前  
一杯酒若思  
以此便是堂  
六尉全羔美  
徑行徑豈不  
將軍負此腹  
耶



此等三家村  
學究活如何  
入詞選

花則一名種分三色嫩紅妖白嬌黃正清秋佳  
景雨霽風涼郊墟十里飄蘭麝瀟灑處旖旎非  
常自然風韻開時不惹蝶亂蜂狂 携酒獨揖  
蟾光問花神何屬離兌中央引騷人乘興廣賦  
詩章幾多才子爭攀折嫦娥道三種清香狀元  
紅是黃爲榜眼白探花郎

玉蝴蝶

春思

鼂叔用

目斷江南千里灞橋一望煙水微茫畫鎖重門  
人去暗惜流光雨輕輕梨花院落風淡淡楊柳  
池塘暗偏長佩沉湘浦雲散高唐 清狂重來  
一夢手搓梅子煮酒新嘗寂寞經春小橋依舊  
燕飛忙玉鈎欄凭多漸煖金縷枕別久猶香最  
難忘看花南陌待月西廂

春遊

柳耆卿

漸覺東郊明媚夜來膏雨一洗塵埃滿目殘桃



深杏露染煙裁，銀塘靜魚鱗。簾展煙袖翠，龜甲  
屏開，殷晴雷。雲中鼓吹，遊徧蓬萊。徘徊隼旟  
前後，三千珠履，十二金釵。雅俗熙熙，下車成宴  
盡春臺。好雍容，東山妓女，堪笑傲。北海樽罍，且  
追陪。鳳池歸去，那更重來。

秋思

柳耆卿

望處雲收雨斷，凭欄悄悄，目送秋光。晚景蕭疎，  
堪動宋玉悲涼。水風輕蘋花漸老，月露冷梧葉

景中情

飄黃。遣情傷，故人何在，煙水茫茫。難忘文期  
酒會，幾辜風月。屢變星霜。海濶山遙，未知何處  
是瀟湘。念雙燕難憑，遠信指暮天空，識歸航。黯  
相望。斷鴻聲裏，立盡斜陽。

秋思

高賓王

喚起一襟涼。思未成，晚雨先做秋陰。楚客悲殘  
誰解此意，登臨古臺荒斷，霞斜照新夢黯。微月  
疎砧，總難禁。盡將幽恨，分付孤斟。從今倦看

語者不怪人



凝春聲

青鏡、既遲勳業、可負煙林、斷梗無憑、歲華搖落、  
又驚心、想蕁汀水雲愁、凝閒蕙帳、猿鶴悲唼、信  
沉沉、故園歸計、休更侵尋、

渡江雲

春景

周美成

晴嵐多楚甸、暖回雁翼、陣勢起平沙、驟驚春在  
眼、借問何時委曲到山家、塗香暈色、盛粉飾、爭  
作妍華、千萬絲、陌頭楊柳、漸漸可藏鴉、堪嗟

清江東注、畫舸西流、指長安日下、愁宴闌、風翻  
旗尾、潮濺烏紗、今朝正對初弦月、恂水驛、深艤  
蒹葭、沉恨處、時時自剔燈花

絳都春

上元

丁仙現

融和又報、乍瑞靄、霽色、皇州春早、翠幃競飛、玉  
勒爭馳、都門道、鰲山綵結、蓬萊島、向晚色、雙龍  
銜照、絳綃樓上、彤芝蓋底、仰瞻天表、縹緲風

天家燈夜白  
是富貴



傳帝樂、慶三殿共賞、羣仙同到、迤邐御香飄滿、  
人間聞嬉笑、須臾一點星毬小、漸隱隱鳴梢聲、  
杳遊人月下歸來、洞天未曉。

清明

劉叔安

和風乍扇、又還是去年清明重到、喜見燕子巧、  
說千般、如人道、墻頭陌上青梅小、是處有閒花、  
芳艸、偶然思想前歡、醉賞牡丹時候、當此三、  
春媚景好、連宵恣樂情懷、歌酒縱有珠珍難買

紅顏長年少、從他烏兔茫茫走、更莫待花殘鶯、  
老、恁時歡笑、休把萬金換了、

梅花

朱希真

寒陰漸曉、報驛使探春、南枝開早、粉蘂弄香芳、  
臉凝酥、瓊枝小雪、天分外精神好、白玉堂前應、  
到、化工不管朱門閉、也暗傳音耗、輕渺盈盈、  
笑靨稱嬌面、愛學宮粧新巧、幾度醉吟、獨倚闌、  
干、黃昏後、月籠疎影橫斜、照更莫待單于吹老、



須便折取歸來膽餅頓了

念奴嬌

春情

李易安

蕭條庭院、有斜風細雨、重門須閉。寵柳嬌花寒  
食近、種種惱人天氣。險韻詩成、扶頭酒醒、別是  
閒滋味。征鴻過盡、萬千心事難寄。樓上幾日  
春寒、簾垂四面、玉欄干慵倚。被冷香銷新夢覺  
不許愁人不起。清露晨流、新桐初引、多少遊春

情景兼至名  
媛中自是第

二語絕似  
上朝

意日高煙斂更看今日晴未

春怨

沈公述

杏花過雨、漸殘紅零落、燕脂顏色。流水飄香人  
漸遠、難託春心脉脉。恨別王孫、墻陰日斷、手把  
青梅摘。金鞍何處、綠楊依舊、南陌。消散雲雨  
須臾、多情因甚、有輕離輕拆。燕語千般、爭解說  
些子伊家消息。厚約深盟、除非重見、見了方端  
的。而今無奈、寸腸千恨、堆積。

情脉、有誰  
語



春恨

辛幼安

野堂花落又匆匆過了清明時節、剗地東風欺  
客夢、一枕銀屏寒怯、曲岸持觴、垂楊繫馬、此地  
曾經別、樓空人去、舊遊飛燕能說、聞道綺陌  
東頭、行人長見、簾底纖纖月、舊恨春江流不盡、  
新恨雲山千疊、料得明朝、樽前重見、鏡裏花難  
折、也應驚問、近來多少華髮。

夏日避暑

僧仲殊

故園避暑愛繁陰、翳日流霞供酌、竹影篩金泉  
漱玉、紅映薇花、簾箔素質生風、香肌無汗、繡扇  
長閒却、雙鸞棲處、綠筠時下、風籟吹斷舞影  
歌聲、陽臺人去、有當年池閣、佩結蘭英、凝念久  
言語精神、依約燕別、雕梁鴻歸、紫塞音信、憑誰  
託爭知、好景為君長是、蕭索

中秋

蘇東坡

憑高眺遠、見長空萬里、雲無畱迹、桂魄飛來光

纖履語脣口  
古極

東坡中秋詞  
水調歌頭



射處冷浸一天秋。碧玉宇瓊樓。乘鸞來去，人在清涼國。江山如画，望中煙樹，歷歷我醉拍手狂歌。舉杯邀月對影成三客。起舞徘徊風露下。今夕不知何夕。便欲乘風翩然歸去。何用騎鵬翼。水晶宮裏一聲吹斷橫笛。

中秋

葉少蘊

洞庭波冷望氷輪。初轉滄海沉沉。萬頃孤光雲陣卷。長笛吹破層陰。洶湧三江。銀濤無際遙帶

美、獨照

詠月詞惟此  
詞與韓子蒼  
詞可伯仲餘  
皆勁壘而已

五湖深。酒闌歌罷至今鼉怒龍吟。回首江海平生漂流容易散。佳會難尋。縹緲高城風露爽。獨倚危檻重臨。醉倒清樽。嫦娥應笑猶有向來心。廣寒宮殿為余聊借瓊林。

詠月

黃山谷

斷虹霽雨。淨秋空。山染修眉新綠。桂影扶疎。誰便道今夕清輝不足。萬里青天。嫦娥何處。駕此一輪玉。寒光零亂。為人偏照醺醺。年少從我



追遊晚城幽徑遶張園、森木共倒金荷、家萬里、  
難得樽前相屬、老子平生、江南江北、最愛臨風  
曲、孫郎微笑、坐來聲歎霜竹、

詠月

范元卿

玉樓絳氣捲霞綃、雲浪飛空蟾魄、人世江上驚  
照耀、煙霞鼇峰千尺、陸海蓬壺、銀葩星暈、點破  
琉璃碧、有人吟笑、紫荷香滿晴陌、况是東府  
君侯、西清別騎、樽俎開華席、迤邐飛輪、催杖履、

入對青藜、仙客襦袴歌謠、昇平風露、拚取金蓮  
側、梅花吟動滿城、依舊春色、

詠月

朱希真

插天翠柳被何人、堆上一輪明月、照我藤牀涼  
似水、飛入瑤臺銀闕、露冷笙簫、風清環珮、玉鎖  
無人掣、閒雲收盡海光、天影相接、誰信有藥  
長生素娥、新煉就飛霜液、雪擊碎珊瑚、爭似看  
仙桂、扶疎竒絕、洗盡凡心、滿身清露、浸瀟瀟髮、



明朝塵世記取休向人說

詠月

范元卿

尋常三五問今夕何夕、嬋娟都勝天闊雲收崩、  
浪靜深碧、琉璃千頃、銀漢無聲、冰輪直上、桂濕  
扶疎影、綸巾玉塵、庾樓無限清興、誰念江海  
飄零、不堪回首、驚鵲南枝、冷萬點蒼山、何處是  
修竹、吾廬三徑、香霧雲鬟、清輝玉臂、醉了愁重  
醒參橫、斗轉、轆轤聲斷金井、

詠月

李漢老

素光練靜映秋山、隱隱修眉橫綠、鳩鵲樓高天  
似水、碧瓦寒生銀粟、萬丈斜暉、奔雲湧霧、飛過  
盧仝屋、更無塵氣滿庭、風碎梧竹、誰念鶴髮  
仙翁、當年曾共賞紫巖飛瀑、對影三人聊痛飲、  
一洗離愁、千斛斗轉參橫、翩然歸去、萬里騎黃  
鵠、滿天霜曉、叫雲吹斷橫玉、

詠月

姚孝寧



素娥睡起、駕冰輪碾破一天秋、綠醉倚高樓、風  
露下、凜凜寒生肌粟、橫管孤吹、龍吟風勁、雪浪  
翻銀屋、壯遊回首、會稽何限修竹、今夜對月  
依然樽前須快瀉、山頭鳴瀑、吸此清光、傾肺腑、  
洗我明珠千斛、只恐嬋娟、明年依舊、衰鬢先成  
鵲舉杯相勸、爲予且掛團玉、

詠月

韓子蒼

此詞亞于東  
坡中秋詞餘

海天向晚、漸霞收餘綺、波澄微綠、木落山高、真

詞清未及及

箇是一雨秋容新沐、喚起姮娥、撩雲撥霧、駕此  
一輪玉、桂華疎淡、廣寒誰伴、幽獨、不見弄玉  
吹簫樽前、空對此清光、堪掬、霧鬢雲鬟、何處問  
雲雨巫山、六六珠斗、爛熳、銀河清淺、影轉西樓  
曲、此情誰會、倚風三弄橫竹、

詠雪

張安國

朔風吹雨、送淒涼、天意垂垂欲雪、萬里南荒、雲  
霧滿、弱水蓬萊相接、凍合龍崗、寒侵銅柱、碧海



古今詞多贈  
軟嫩情取緣  
初東坡此詞  
感慨悲壯雄  
偉高京詞中  
之末也

銅將軍投拍  
板唱此詞  
雅俊人語  
亦是其雄  
原委偉處

亦音曠忽殊  
有仙氣

然甚冷心腸

水漸結、憑高一笑、問君何處炎熱。家在楚尾  
吳頭、歸期猶未、對此驚時節、記得年時貂帽煖。  
鐵馬千羣、觀獵狐兔成車、歌鐘殷地、歸踏層城  
月、持杯且醉、不須北望淒切。

赤壁懷古

蘇子瞻

大江東去、浪淘盡、千古風流人物。故壘西邊、人  
道是三國周郎赤壁。亂石穿空、驚濤拍岸、捲起  
千堆雪。江山如畫、一時多少豪傑。遙想公瑾

當年小喬初嫁了。雄姿英發。羽扇綸巾。談笑間。  
檣櫓灰飛煙滅。故國神遊。多情應笑我。早生華  
髮。人生如夢一樽還酹江月。同一夜之雄也  
而今安在哉

洞庭

張于湖

洞庭青草近中秋、更無一點風色。玉界瓊田三  
萬頃、著我扁舟一葉。素月分輝、銀河共影、表裏  
俱澄徹。油然心會、妙處難與君說。應念嶺海  
經年、孤光自照、肝肺皆冰雪。短髮蕭騷、襟袖冷



穩泛滄浪空闊、盡挹西江、細傾北斗、萬象爲賓、  
客扣舷一笑、不知今夕何夕、

西湖

辛幼安

晚風吹雨、戰新荷、聲亂明珠、蒼壁誰把香奩收、  
寶鏡雲錦、周遭紅碧、飛鳥翻空、游魚吹浪、慣聽  
笙歌席坐、中豪氣、看君一飲千石、遙想處士  
風流、鶴隨人去、已作飛仙客、茆舍竹籬、今在否、  
松竹已非、疇昔、欲望當年、望湖樓下水、與雲寬

窄、醉中休問、斷腸桃葉消息

風情

朱希真

別離情緒、奈一番好景、一番愁感、燕語鶯啼、人  
乍遠、還是他鄉寒食、桃李無言、不堪攀折、總是  
風流客、東君也自怪人、冷淡踪跡、花艷草草  
春工酒隨、花意薄、疎狂何益、除却清風、并皓月  
脉脉、此情誰識、料得文君、重簾不捲、只等閒消  
息、不如歸去、受他真箇憐惜、



贈送

趙承之

舊遊何處記金湯形勝蓬瀛佳麗綠水芙蓉元  
帥與賓僚風流濟濟萬柳亭邊雅歌堂上醉倒  
春風裏十年一夢覺來煙水千里惆悵送子  
重遊南樓依舊否朱欄誰倚要識當時惟是有  
明月曾陪珠履量減盃中雪添頭上甚矣吾衰  
矣酒徒相問爲言憔悴如此

自壽

鄭中卿

以有遠語無  
佳處

嗟來咄去被天公把做小兒調戲蹠雪龍庭歸  
未久還促炎州行李不半年間北胡南越一萬  
三千里征衫着破着衫人可知矣休問海角  
天涯黃蕉丹荔自足供甘旨泛綠依紅無箇事  
時舞斑衣而已救蟻藤橋養魚盆沼是亦經綸  
耳伊周安在且須學老萊子

梅花

朱希真

見梅驚笑問經年何處收香藏白似語如愁却



問我何苦、紅塵久客、觀裏栽桃、壇頭種杏、到處  
成疎、隔千林、無伴、淡、然、獨、傲、霜、雪、且與管領  
春回、孤標爭肯、接雄蜂、雌蝶、豈是無情、知受了  
多少、淒涼、風、月、寄、驛、人、遙、和、美、心、在、謾、使、芳、塵  
歇、東風寂寞、可人誰爲攀折。

荷花

僧仲殊

水楓葉下、乍湖光清淺、涼生商素、西帝宸遊、羅  
翠蓋、擁出三千宮女、絳綵嬌春、鉛華掩畫、占斷

和句直為荷  
義寫照

鴛鴦浦、歌聲搖曳、浣沙人在何處、別岍孤裊  
一枝、廣寒宮殿、冷落棲愁苦、雪、艷、冰、肌、羞、澹、泊、  
偷把、臙脂、勻、注、媚、臉、籠、霞、芳、心、泣、露、不、肯、爲、雲  
雨、金、波、影、裏、爲、誰、長、恁、疑、竚。

遶佛殿

旅况

周美成

暗塵四歛、樓觀迥出、高映孤館、清漏將短、厭聞  
夜久、籤聲動、書幔桂華又滿、閒步露艸、偏愛幽



遠花氣清婉、望中迤邐、城陰度河岍、倦客最  
蕭索、醉倚斜橋、穿柳線、還似汴堤虹梁橫水面、  
看浪颭春燈、舟下如箭、此行重見、歎故友難逢、  
羈思空亂、兩眉愁、向誰舒展、

解語花

元宵

周美成

風銷焰蠟、露浥烘爐、花市光相射、桂華流瓦、纖  
雲散、耿耿素娥欲下、衣裳淡雅、看楚女、織腰一

抱、簫鼓喧、人影參差、滿路飄香麝、因念帝  
城放夜、望千門如晝、嬉笑遊冶、鈿車羅帕、相逢  
處、自有暗塵隨馬、年光是也、惟只見、舊情衰謝  
清漏移、飛蓋歸來、從舞休歌罷、

慶春澤

上元

劉叔安

燈火烘春、樓臺浸月、良宵一刻千金、錦步承蓮、  
彩雲簇、仗難尋、蓬壺影動、星毬轉、映兩行寶珥、



瑤簪恣嬉遊，玉漏聲催未歇芳心。  
笙歌十里誇張地，記年時行樂，憔悴而今。  
客裏情懷，伴人閒笑閒吟。  
小桃未盡劉郎老，把相思細寫瑤琴。  
怕歸來紅紫欺風，三徑成陰。

萬年歡

元宵

胡浩然

燈月交光，漸輕風布，煖先到南國。  
羅綺嬌容，十里絳紗籠燭。  
花艷驚郎醉目，有多少佳人如玉。

春衫袂整齊齊，內家新樣粧束。  
歡情未足，更闌謾勾牽，舊恨榮亂心曲。  
悵望歸期，應是紫姑頻卜。  
暗想雙眉對蹙，斷絃待鸞膠重續。  
休迷戀野草閒花，鳳簫人在金谷。

玉燭新

梅花

周美成

溪源新臘後，見數朶江梅，剪裁初就。  
暈酥砌玉芳英嫩，故把春心輕漏。  
前村昨夜，想弄月黃昏



一語為毒花  
傳神

時候孤岸峭。疎影橫斜。濃香暗沾襟袖。樽前  
賦與多才。問嶺外風光。故人知否。壽陽謾鬪。終  
不似照水一枝清瘦。風嬌雨秀。好亂插繁花盈  
首。須信道。羌管無情。看看又奏。

木蘭花慢

重陽

京仲遠

算秋來景物皆勝賞。况重陽正露冷。欲霜輕燿  
不雨。玉宇開張。蜀人從來好事。遇良辰不肯負

用事有出語  
似何川為詞  
入選

時光藥市家家簾幕。酒樓處處絲簧。娉娉老  
子興難忘。聊復與平章也。隨分登高茱萸綴席  
菊蕊浮觴。明年未知健否。笑杜陵底事。獨淒涼  
不道頻開笑口。年年落帽何妨

桂枝香

秋旅

張宗瑞

梧桐雨細。漸滴作秋聲。被風驚碎。潤逼衣篝。線  
裊蕙鑪。沉水悠悠。歲月天涯。醉一分秋。一分憔悴。

歲月天涯  
醉一分秋  
一分憔悴



悴紫簫吹斷素牋恨切夜寒鴻起。又何苦淒涼客裏草堂春綠。竹溪空翠。落葉西風吹老幾番塵世。從前諳盡江湖味。聽商歌歸興千里露侵宿酒。疎簾淡月照人無寐。

金陵懷古

王介甫

登臨送目。正故國晚秋天氣初肅。瀟瀟灑灑澄江似練。翠峰如簇。征帆去棹殘陽裏。背西風酒旗斜矗。蠹絲舟雲淡星河。鷺起圖畫難足。念自昔豪

華競逐。恨門外樓頭悲恨相續。千古憑高對此。謾嗟榮辱。六朝舊事隨流水。但寒煙衰艸凝綠。至今商女時時尚歌後庭遺曲。

憶舊遊

春恨

周美成

記愁橫淺黛。淚洗紅鉛。門掩秋宵。墜葉驚離思。聽寒蛩夜泣。亂雨瀟瀟。鳳釵半脫。雲鬢。腮影燭花搖。漸暗竹敲涼。疎螢照曉。兩地魂銷。迢迢



問音信、道徑底花陰、時認鳴鑣、也擬臨朱戶、歎  
因郎憔悴、羞見郎招、舊巢更有新燕、楊柳拂河  
橋、但滿眼京塵、東風竟日吹露桃、

水龍吟

春遊

陸務觀

摩訶池上追遊路、紅綠參差、春晚韶光、妍媚海  
棠如醉、桃花欲煖、挑菜初閒、禁煙將近、一城絲  
管、看金鞍爭道、香車飛蓋、爭先占新亭館、惆

悵年華暗換、黯銷魂、雨收雲散、鏡奩掩月、釵梁  
拆鳳、素箏斜雁、身在天涯、亂山孤壘、危樓飛觀、  
歎春來、只有楊花和恨、向東風滿。

春恨

陳同甫

鬧花深處、層樓畫簾半捲、東風軟、春歸翠陌、平  
莎叢嫩、垂楊金淺、遲日催花、淡雲閣雨、輕寒輕  
煖、恨芳菲世界、遊人未賞、都付與鶯和燕、寂  
寞憑高念遠、向南樓一聲歸雁、金釵鬪草、青絲



勒馬風流雲散，羅綬分香，翠綃封淚，幾多幽怨。  
正銷魂，又是疎煙淡月，子規聲斷。

清明

劉叔安

弄晴臺館，收煙候時，有燕泥香墜，宿醒未解，單  
衣初試，騰騰春思，前度桃花，去年人面，重門深  
閉，記彩鸞別後，青驄歸去，長亭路，芳塵起，十  
二屏山，遍倚。任蒼苔點紅如綴，黃昏人靜，煖香  
吹月一簾花碎。芳意婆娑，綠陰風雨，畫橋煙水。

笑多情司馬，留春無計，濕青衫淚。

贈妓

秦少游

小樓連苑橫空下，窺繡轂、雕鞍驟。疎簾半捲單  
衣初試，清明時候，破煖輕風，弄晴微雨，欲無還  
有。賣花聲過盡，垂楊院，落紅成陣，飛鴛甃。玉  
珮丁冬，別後，悵佳期、參差難又。名韁利鎖，天還  
知道，和天也瘦。花下重門，柳邊深巷，不堪回首。  
念多情，但有當時皓月，照人依舊。

首句與換頭  
一句俱隱  
名極東玉三  
字甚巧



慶壽

辛幼安

慶壽詞有許  
多感概當南  
渡時作

渡江天馬南來，幾人真是經綸手。長安父老，新  
亭風景，可憐依舊。夷甫諸人，神州沉陸，幾曾回  
首。算平戎萬里功名，本是真儒事。君知否。况  
有文章山斗，對桐陰滿庭清晝。當年墮地，而今  
試看風雲奔走。綠野風煙，平泉草木，東山歌酒，  
待他年整頓乾坤事了。為先生壽。

詠笛

此詞為嶺南太守沈  
紅公題竹死體所

蘇東坡

仔謂宜抵黃  
龍府多治居  
痛飲耳

楚山修竹如雲，異材秀出千林表。龍鬚半剪，鳳  
膺微漲，玉肌勻繞。木落淮南，雨晴雲夢，月明風  
裊。自中郎不見，桓伊去後，知辜負秋多少。聞  
道嶺南太守，後堂深綠珠嬌小。綺牕學弄，梁州  
初遍霓裳未了。嚼徵含宮，泛商流羽，一聲雲杪。  
為使君洗盡蠻風瘴雨，作霜天曉。

梨花

周美成

素肌應怯餘寒，艷陽占盡青蕪地。樊川照日，靈

結在嶺南大  
守上妙

通篇只形容  
得一個白



質夫詞工手  
坡老詞仙手

關遮路、殘紅歛避、傳火樓臺、妬花風雨、長門深  
閉、亞簾櫳半濕、一枝在手、偏勾引得黃昏淚、  
別有風前月底、布繁英滿園、歌吹朱鉛退盡、潘  
妃却酒、昭君乍起、雪浪翻空、粉裳縞夜、不成春  
思、恨玉容不見、瓊英謾好、與何人比、

楊花

章質夫

燕忙鶯懶芳殘、正堤上柳花飄墜、輕飛亂舞、點  
畫青林、全無才思、閒趁遊絲、靜臨深院、日長門

好詞家

閉、傍珠簾散漫垂垂、欲下、依前被風扶起、蘭  
帳玉人睡覺、怪春衣雪霑瓊綴、繡牀漸滿香毳、  
無數纔圓、却碎時見、蜂兒仰粘、輕粉魚吞、池水  
望、章臺路、杏金鞍遊蕩、有盈盈淚、

又

蘇東坡

似花還似非花也、無人惜、從教墮、拋家傍路、思  
量、却似無情有、思榮損、柔腸困、酣嬌眼、欲開還  
閉、夢隨風、萬里尋郎去、處又還、被鶯呼起、不

坡詞滿酒  
出塵勝質夫  
子信



恨此花飛盡。恨西園落紅難綴。曉來雨過遺縱。  
何在一池萍碎。春色三分。二分塵土。一分流水。  
細看來。不是楊花。點點是離人淚。



